

浙江圖書館

Q.2912
2801.118




浙江圖書館




浙江圖書館



浙江圖書館



浙江圖書館



浙江圖書館

鄂韓聯吟集

海鹽馬用俊履常

僕年未四十兩鬢蕭疎自顧生平無所能惟以
有韻之語敬承庭訓癸亥秋暨丁卯夏以所作
先後付梓頗爲一二同人所許可年來伯氏交
遊四方予則綢持門庭酬應紛雜兼之兒女成
行以教以養非若丁卯以前之日多寧晷也時
有所咏大半隨手棄擲存於囊者僅十之二三顧
日月逾邁逝世無聞殊負先人之屬望與夫兄

弟之交勵豈敢以區區自重哉布諸烟墨聊以
志所歷云爾癸酉春暮少白山人自記

戈韞石屬題北溪圖

北郭詩人北溪住春來風物饒幽趣園居不減李
潛夫隱處欣鄰趙子固門前溪色遠黏天隴畔雲
光晴戀樹楊花點水生綠萍發發織鱗不知數詩
人對此樂有餘識字還作山澤癯有田二頃屋十
笏息壤正好盟鷗鳧繪工潑墨開生面滿紙雲烟
互凌亂清景應愁畫不如長隄南北如虹斷興來

兀坐忘朝餐吟詩展畫子細看何當與子連牆隱
磐石時來把釣竿

與徐鈍甫夜坐待月廊

相聚茅堂裏依然對
圖
卮敲詩連榻夜話舊上燈
時海近秋來早廊深月到遲石欄同倚久涼露滴
風枝

楊維聰畫魚歌

畫魚我邑推楊翁至今妙筆難追蹤何年尺幅移
海水揚鬢張鬣行虛空想見翁當走筆時神來一

掃龍門通萬里似欲赴溟渤赤鯉已趁洪濤風迅
雷震電助其勢騰身直上成飛龍古來工此稱劉
棗楊翁好手將無同收圖獨立更翹首匹綃長帶
烟冥濛

題華秋槎先生北山旅舍圖

託跡禪林老更狂他鄉彷彿是家鄉不須歸去尋
荒徑漫枉移文到草堂秋氣滿空烟雨足暮雲一
色水天長何時攜屐來相訪遙指門前柳數行

病中作書寄家孟因題其後

連日多風雨因憐客路難江山雲樹隔鴻雁羽毛
寒尺素初題罷臨封着意看恐添離別緒聊復報
平安

秋夜

空林涼葉飛山犬吠不止披衣出門看皓月照秋
水

舟行投宿水雲寺

乍行雙溪徑忽到水雲寺竹木有古色鐘磬安初
地隱隱白雲中數椽更幽邃泉聲隔籬鳴山色落

窗翠鳥指雲樹歸僧踏溪月至塔焉意自真詩思
清于水

寒夜獨坐

獨夜擁書坐燈前影自雙秋殘蛩入戶夜半月當
窗漏滴驚饑鼠砧聲亂吠龙幽人期不至雲樹隔
寒江

夜晏許氏莊

細雨斜風物候催故人止宿共徘徊幽情每向閒
中得豪論都從醉後來差喜攜樽朋輩合更憐滿

徑菊花開明朝好掛孤帆去雲樹參差首重回

小長蘆

坨竹森森水雲夕半灘秋月蘆花白先生去後百
年餘至今人識小長蘆荒亭獨立緬遺址三面依
然繞烟水我亦橫湖一釣師持竿夢落孤篷底

禮山觀采石歌

禮山之石堅且頑龍飛虎化形孱顏石紋裂處任
高下鑿者毋乃離子班離子生平慣斫石况是顏
頑堪督墨煮之不熟鞭不行皮骨摧殘聲霹靂五

丁彷彿來雲中奮斤碎石成化工百丈千尋倚天
立片片墮地聞碓礮繩梯椿禦上峭壁足不能步
手爲躑如猱升木鼠跳梁奇巧還爭巨靈擘初訝
山溪瀑布喧旋驚萬仞傾坳垣須臾聲殷四山響
隆隆直欲搖乾坤斧斤并石火星吐激以寒泉始
得取尺寸分明鑿不窳長者作堦短作堵吁嗟乎
倔強詭怪世所憎無心造物成崢嶸呼兄呼丈不
可得但聞奏斧時丁丁君不見雲岫山頭石靈秀
萬古嵌空何獨壽

春夜大雪念伯子水宿平湖詩成黯然兼寄

胡瘦山

客路非迢遞已悲行路難春冰堅澤腹雪意擁雲
端念子擁衾坐知余撫枕歎當湖多勝跡遊客壯
遐觀放眼湖天濶登臨風雪寒前途逢奮好握手
罄餘歡莫效窮途哭還須酌酒寬平生倦水宿歷
歷怕風湍

古春洞天賞梅

俗眼識春不識古隱士賞古不賞春豈知寒梅抱

孤節稜稜古氣春精神冷蕊含烟雪點綻蒼皮溜
雨苔花皴枝橫竹外香漠漠影落溪底波鱗鱗我
愛此花春且古逋翁是否花前身

臨平曉發

向曙疑月色荒雞喧邨中解纜復前行薄霧遮孤
篷春山睡未醒黛色青濛濛陰晴問舟子漁唱紛
西東離家纔昨日計程心已忡回首望林缺旭日
方升紅

重之武林弔何春渚先生

寂寂柴門外依然草色新西冷空勝蹟北郭失詩
人跡感合并少交憐貧賤真含情一灑淚落日下
城闌

題李西齋七十二峯草堂圖

七十二峯翠插天堂開七十二峯前白雲靉靄當
窗出青靄霏微與竹連自昔孤山傳處士至今烟
景屬吟仙何時穩泛西溪櫂一賦蒹葭秋水篇

赤岸看桃花歌

春晴三月鶯花早眺望湖山惜春好宿露紅含冶

色新長隄不斷蘼蕪草臯亭山畔夕陽斜瞥見穠
華幾樹遮綠水三篙聞犬吠紅雲一簇擁人家人
家託業半樊圃花木栽成欣得所彷彿仙源路不
迷茅簷處處安環堵風晨月夕鬥芳妍最好風光
上巳天肯與崔郎共惆悵合偕漁子共沿緣花光
掩映湖流碧青嶂如雲露花隙一櫂玻璃曲折通
多應稱我烟霞客一歲看花一度來劉郎不厭久
遲徊花開花落鶯啼處祇有東風費剪裁

同人雅集涉園有作

涉園樹木經千年蔥蔥鬱鬱生雲烟

園卽烏夜邨舊址

黃

門當日遂初服經綸不試營林泉王侯第宅走狐
兔薪木無毀子孫賢鄰家墟落遠相接後通曲港
前平田溪徑曲折呈畫本山紅澗碧供攀援諸君
興發共浩歎恍如鸞鶴翔青天主人留客且轟飲
更燒玉版同參禪人生忽忽如寄耳千古不朽惟
詩篇不如借此把茅地豪吟痛飲枕石眠

偶作

晨起開篷戶呼僮掃綠苔春晴今日好應有故人

來

送張犀谷之海昌有懷鍾籜溪并應笠湖周

楫坪

河梁送君發正值梨花時雨後春漲滿浪軟風遲
遲計程到海昌三五月未虧遇我平生友致我一
卷詩頻年成契濶夢寐常見之應周亦久別相思
每神馳歸雲帶鳥沒楊柳青參差旦晚有題字臨
風慰別離

雨中過語溪寄楊文樸

春水漫新漲溪頭少人跡峯嵐淨如沐烟雲紛以
積惆悵不同遊石梁蘚花濕

過白雪吟屋悼王伊人

重到吟壇失舊盟回頭空復憶生平襟懷落拓人
皆笑花月悲涼酒獨傾豈料河梁成死訣長留天
地有詩名門前立盡斜陽影感逝傷春無限情

初夏

庭中花木繁首夏猶爭妍日暮偶出戶青秧盈水
田久晴初得雨衆綠茫無邊塵襟滌已盡閒向北

窗眠物情旣如是子懷亦欣然

對雨示兒

淫潦逾旬月平疇起白波窮檐盡一哭生計嘆無
多米貴價難論時荒愁奈何爾曹須解事飽煖莫
蹉跎

野老嘆

野老抱布朝出市日暮歸來哭不止傷哉饑饉連
六年今歲淫潦復至此低田湮沒化汙萊高田蟲
生禾盡死斗米價論錢半千衰年貧賤誰見憐忍

饑獨立西風前

館

貞孝詩爲吳縣貞女王素孝子王如松作

越來溪水清于雪爭說旌門事雙絕萬古奇傳孝
與貞一家至行姑兼姪烏衣舊族本清華降作尋
常百姓家幼號窮民悲失母長隨伯姊但呼爺中
年爺又拋兒女兒女熒熒更誰撫兩口零丁伴夕
昕一廬蕭瑟聽風雨弱弟看看弱冠餘六萌喜見
迓香車已教伉儷聯徐淑差得辛勤慰女嬃女嬃
亦值標梅候梁孟行將覓婚媾鴛侶如成比翼新

雁行忍使分形驟爭知阿姊志偏堅不字寧徒矢
十年願得終身爲女子羞他舉案說良緣從茲足
與齊嬰比木喚女貞尤可擬有弟長依白屋居無
郎合住青溪水弟也身充胥吏行官衙奔走簿書
忙不工敲骨鐵鞭手難飽腴膏墨荔腸甘遭赤棒
頻垂繫清白爲心心益烈介節俄拚學雉經幽魂
祇自同狼泣可憐玉雪有孤兒剛是桓麟十四時
俄頃捐軀從地下傷心續命竟無絲撫屍阿姊聲
號慟父子何堪生死共幸得篋吹一綫傳待伸益

戴千秋痛益戴何時果雪冤天闔長叫淚潏浚黃
堂忽喜來馮豹羅水渾同弔屈原舉頭畢竟蒼蒼
近純孝孤貞天亦憫已慰重泉慘怛人更償兩世
艱難境拜得 恩綸自 九重烏頭石闕表巔巔
存亡不枉諸辛歷肝蠻長邀次戊隆卽今枌社流
傳遍巨手河陽作佳傳四女祠猶讓令名五人墓
恰鄰芳甸何日蘇臺駐客舸遺徽憑弔酌松醪莫
釐峯矗三千丈不及貞風孝行高

悼梅

少白續稿

西風悲落葉疎影尙依然化鶴知何日停琴憶昔
年微茫孤館月冷淡一溪烟索笑今無分憑欄悵
未眠

施簣初屬題竹樓聽雪冊子

聽雪已在樓而况近竹林迴飈一以動騷屑多清
音清音復何在竹雪兩難尋譬彼陶靖節壁掛無
絃琴音在絃之外此趣奧而深獨坐泯聞見悠然
自會心

山居

浙

十日山中居滿胸貯邱壑豈不念故廬幽懷欣有
託危石咽流泉疎靄映空薄清風俄然來松花拂
衣落雲岫渺何從呼艇前溪泊

嚮晦出山來道半遇樵父相邀過柴荆瓦盆斟濁
醑供客無兼味風俗近太古山茨六七間簷角老
梅吐溪流汨汨聲亂石清可數

春興答同舍諸君子

春到蓬門又五旬一番花信一番新林鶯破夢還
多事巢燕忘機不避人幾畝薄田堪飽飯數椽老

屋足棲身此中自有幽閒趣何用浮名逐俗塵

題琴川女史歸珮珊惜花小憩圖

輕紅着雨倍鮮妍初日融融帶翠烟爲愛芬芳晨
起早倚欄獨立曉風前

三月三日邀同人集鄂韡聯吟處賞常棣花

卽席分賦

圖

連枝樹下招同人吟場賓主來相親田園恰羨仲
長樂不願逐逐趨紅塵常棣庭前紛爛漫年年三
月光新一枝膚鄂燦千萬紅霞掩映橫湖濱高

朋滿座盡一醉題詩潑墨逸興真諸君擬議且勿
替賤子巔末請自陳吾生兄弟值少小先子課讀
詞諄諄牆陰手植兩常棣隱然示我敦天倫浮雲
流水歲遞閱我長樹亦高嶙峋作花結實頓殊致
正值先子懸弧辰摘來獻壽先子喜云是吾宅嘉
兆臻無何風木忽抱痛惟我二人同酸辛流光忽
忽又十載兩忘名利甘隱淪斯花亦解哀樂意風
霜歷盡逢陽春今朝更得友朋聚飲罷還復書前
因

施少峯作聯吟圖贈余兄弟詩以酬之

春山無定姿黛色朝暮換
放櫂橫湖濱並坐石牀
畔聯吟何處聞竹影搖孤館

題蕉雨軒

蕉陰染透紗窗綠中有幽人把書讀
一燈如豆雨蕭蕭併入簷聲滴
寒玉開軒滿地春雲流年年長
夏如三秋勸君莫種芭蕉樹
聽到雨聲人欲愁

棣園納涼

瓜壺滿架垂葉底暗風入
爰蒸苦徧人偶來池上

立竹密陰倍濃石古蘚微濕遠樹紛低昂歸鳥翻
飛急枯枝絡藤蘿幽花紫堪拾野景足開懷吟成
晚涼集

題施少峯涉江采芙蓉圖

秋江水碧如莓苔江南江北芙蓉開采花人放扁
舟來欲折未折空徘徊今日采花花正好明日采
花花已老相思莫待顏容槁歸來攜贈還須早

爲兔牀先生悼亡姬蘭貞女史

金鈿十二委沙塵斷珥遺香最愴神漫憶桃根添

舊咏其如花影誤前因多情自古稱名士傷逝從
來屬恨人縱使再生頭已白可憐杜牧奈何春

聽蛩鳴

館

聽蛩鳴所聽非一聲秋來入階下聞之涕泗橫一
天星月明皎潔枯葉辭枝心暗驚中宵爲誰獨淒
切酸風冷露助促節頓使愁人眠不得一燈如豆
紅依微五更唱曉和邨雞樓頭有婦猶鳴機夫在
天涯妾寄衣終夜不成匹生怕寒蛩啼聽蛩鳴不
知誰樂更誰苦樂者冰簟夢涼宵苦者空房泣秋

雨

寄蔣蔣邨

烟水隔西東遙遙三百里西冷一碧流流入橫湖
水我乘橫湖船來溯西湖邊君正出山去良晤嗟
無緣湖波曲折通良友自相逢相逢杳無日相思
烟水空思君忘朝夕流水無終窮

詞源起橫流汜濫蕩無底治水不疏源滔滔何時
已之子紹正宗清句通妙理深究百家言殊得風
騷旨觀水必觀瀾要自有根始大雅今復作扶輪

在吾子我性亦耽吟不歎孤弦爾

酬叔未贈高麗筆用樊榭謝人高麗墨韻

高句麗重吉貝紙佩阿巧製更誰似謁奢太奢縱
矜貴不抵移封管城子紅絲玉斗墨瀋寒豈必扈
班如曷山濡毫合效驚蛺蝶志續朱蒙新舊間

題畫

青松隱茅屋樵擔憩水涯風吹一夜雨滿澗流桃
花

晚過潘墅精舍

浙

偶出破煩悶荒邨日將夕逕深幽草多林密炊烟
積禪房枕流開似待晚行客緩步不知勞小憩澗
邊石禽棲樹交陰水流春一脈語答梵音清影共
竹枝瘠塵心一以洗邈矣悟今昔歸路入蒼茫行
人杳無迹

書懷

梅萼含香凍未醒畧分春色與閒庭存囊舊稿惟
三賦課子新書占一經世事渾如巢燕苦鬢毛不
比晚山青年來又被騷人識詩艇連朝門外停

徐雪廬攜令嗣芸峴過訪賦贈長句

孤邨寂靜簾垂晝有客停橈訪圭竇六年相別今
相逢意氣元龍羨依舊荒齋坐話長日長旣見君
子居何陋先生風格殊絕倫性靈更喜全天眞讀
書萬卷筆有神賣文沽酒忘清貧閨中婦可同筆
硯膝下兒矧誇麒麟淵源不愧名父子况復妙年
才若此駿骨行看燕市空鵬程會逐秋風起我懸
一榻愧陳蕃君信南州舊高士坐深細雨飄簷花
狂倒清樽歌下里人生富貴隨所遭草露浮雲等

閒耳天倫樂與朋友樂僕射功名難敵是勸君更
盡酒一瓢願君弗棄烟霞交主賓沈醉互紛錯脫
略禮數忘粗豪奈何掉頭別子去河梁分手心煩
勞片帆漸遠風漸急仰看明月當天高

三家邨

茅屋三家邨泥牆露竹根桃花紅隔岸湖水綠當
門歲稔饒魚麥時平長子孫優游足娛老此外更
何論

掃墓

少白續稿

六

鬱鬱松楸蔭墓田
臨風展拜淚潛然
一杯麥飯作
寒食日落東風鳴杜鵑

夏日

北窗倚高樹
滿屋生綠陰
一榻臥其下
六月如秋
深繁柯滴殘露
密葉巢幽禽
有時發天籟
和我長短吟
還宜學穎師
橫膝彈孤琴

蜜蜂投蛛網救之遭螫有作示兒姪輩

天生萬物恒無私
胡乃各自含殺機
大小相食互爲忍
此貪彼噬相因依
就中老蛛尤狡獪
凌空安

網以制飛狂蜂奮翼散衙去背馱花瓣迷所歸忽
爾翁翁觸其網蛛乃奮爪忙揚威張牙蟠腹待咀
嚼利彼軀體甘而肥我來仰視偶然見舉以隻手
解厥圍老蛛走匿蜂轉怒口蜜腹劍嘲寧非乘機
奮勇螫我手負痛未定翻歔歔我受其螫蜂得脫
此中快意知者希兒童拍手笑反噬答以爾但知
其微恩仇顛倒世豈少之二蟲者何足譏

溪上

小溪激奔流雨過勢彌急游魚樂濠梁掉尾逆流

入月出一溪明流光碎堪拾濯纓弄鳴泉飛瀑濺
衣濕人影倒重淵淨洗鬚眉碧逝者感如斯臨深
警獨立

遊山雜詩

蒼鼠竄松梢飛禽度杖底乘興上層巔路入秋雲
裏一白海濤來萬里長風起

松翠羃山蹊峯巒莽迴互居人太古風向背依山
住停策生隱心徘徊不能去

題顧丈菴崖南畝犁雲圖

先生自是山澤癯識字還作耕田夫烟蓑雨笠家
具足閑閑十畝和雲鋤日出叱牛遍南陌月上歸
來倚草廬綠雲萬頃盡一色布穀聲中意自如高
風卽此足千古下視軒冕皆泥塗吁嗟乎田園風
景誠堪娛誰云力食非良圖

白洋丙舍落成詩以誌感

庚午十月交稻梁又薦新墓旁有田舍牆垣無半
存蒿目增悲傷改作苦家貧兄弟切黽勉踟躕徒
淡旬庀材始經營茅茨俯湖濱享祀欣有所瞻拜

貽兒孫是時登壟畝先靈日以親夜來夢見之依
依笑語頻明發輒興感愧此孤露身回首墳上樹
漠漠連愁雲弱齡失怙恃侍養苦無因風樹常抱
痛今又歌鮮民時丁繼母艱啞啞烏亂啼慘惻不忍聞
逝水感長流寒風吹墓門縱使祭而豐籩豆泣空
陳手足幸無恙松楸伴晨昏對牀思先訓期以全

天真

徐雪廬愛我鄉溪水紆曲風土淳古有卜鄰
之約詩以堅之

君若結廬比鄰住盤桓日夕忘賓主松間茅屋竹
間橋遍種梅花千百樹水抱孤邨門巷紆敞廬咫
尺日相呼蘆中自昔多窮士鳳泊鸞飄胡爲乎

冬暮書感



落拓生涯笑有無百端蝟集迫迂儒室人解我安
貧意爲典金釵償舊逋

小寒食偶閱東坡改香山詩有觸余懷悽然
成咏卽用其韻

荒墩頽然撐古木狐狸夜戴骷髏宿時逢令節杏

飭香宿草淒迷映雲綠荒荒白日青楓樹麥飯年
時營奠處故鬼淒涼新鬼愁紙錢灰逐東風去

白洋道中作

并序

白洋在沿北十餘里西連沈蕩東接新溪
先君子邱墓在焉庚午冬構丙舍於墓側
至辛未暮春落成廬墓之暇棹舟往返得

四絕句

先人壟畔曉啼烏西白洋西第一圩鬱鬱松楸風
雨裏白雲遙望淚模糊

羅漢塘西半邏塘百年陵谷變滄桑可憐多少名

賢墓華表荒涼對夕陽

何其仁墓在半邏南查初白墓在羅漢塘墓木無存

中泉故宅隱汀洲北若木邊景最幽野店杏花如

畫裏行人指點說南樓

錢太夫人善畫自號南樓老人至今遺址無恙

俯浦依然觀察居菊松遺澤未全虛門前桑柘濃

陰合一曲烟波畫不如

墨麟公故居在泮浦

蔣華隱胡瘦山屈岌園過訪散步橫湖道上

遂訪呂塚

有客不速門外過屐齒破我庭中莎白駒空谷永

朝夕柴門免使張雀羅園中常棣初著花花光正
映朱顏酡藜筇蠟屐響籬落水涯拍拍驚駕駟橫
湖西接璵城道碧波惜少千葉荷野塘日落此顧
盼南望澈浦環青蛾修竹亭亭展新葉有若傑士
絕黨阿呂塚指點行漸近羊腸徑折迷烟蘿填填
社鼓正報賽肖像一任流傳訛環門溪水瀉碧玉
槎枒老桂青婆婆生平苦乏濟勝具欲渡無楫乘
無驟野橋小坐門新句真率半類田人歌他年湖
畔打雙槳手持笞笮披烟蓑乘車戴笠且弗論松

菊徑闢來羊何

館

曉遊茶磨山訪許黃門故第

山深境亦幽茅檐隱叢竹言尋黃門居人語出林
麓是時春初晴旭日照蘿屋登堂緬高風懷古竊
私淑早年期致君抗疏驚流俗一朝解組歸賦閒
樂幽谷太初及蘿石詩酒相往復迄今二百年誰
與繼芳躅荒亭闕冷雲危石枕飛瀑臨風默惆悵
鳩聲下喬木

同人重至雲岫庵山僧燒筍相餉

訪舊人參玉版禪鷹窠頂上漫留連鼠姑開後剛

重到燕子來時又一年勸客提壺忙底事送春把

酒總前緣

甲子暮春曾同許敬堂王伊人作櫻筍會

更燒活火烹新茗

細品松間雪竇泉

書

資聖寺尋杏花樓故址

樓係陽明先生未第時讀書處

森森古木雲一灣綠雲滿地清晝間春風一徑引

遊客啼鶯聲裏開禪關是時春暮花滿幕不見杏

花空寂寞先生本是千秋人珍重猶思此樓閣紛

紛講學門戶生青史難誣惟功名清風瑟瑟響修

竹如聞當日弦歌聲暮鼓欲動斜陽射石幢飯冷
飢鳥下老僧不解遊客心反詫書樓作僧舍

琴臺

潮聲去復來終古一拳石成連不可期隔岸衆山

夕落日下危橋

臺畔有
聞琴橋

徘徊待烟客

海上望秦駐山用放翁風雨中望峽口諸山

韻

浙

海上之峯誰最雄秦山突兀凌蒼穹半天潑翠豁
雙目元氣迴薄開春容傳說秦皇此駐輦驅山鞭

石誇奇功沙邱人去跡已杳此巒寂寞雲濤中昔
我來遊歎靈異恍惚仙氣生冥濛重遊忽復幾寒
暑青山不改當年同跨海無橋一飛越洪濤萬里
來悲風

同華隱瘦山嵌園遊澈川後留飲涉園兼以
送別

咫尺名園在晴空散白雲青山常照眼綠酒且論
文旣得浮身樂何愁客路分不知蜂蝶鬧花落自
紛紛

佳會殊難得斯遊奈別何客帆風信急歸路月痕
多未卜他時約空留此日歌湖山應識我蠟屐復
來過

夏日攜兒子邨行觀插秧有作

邨南邨北梅雨肥水田漠漠白鷺飛東南風好插
秧便數日出水如針齊手胼足胝食不暇布穀况
催犁早架立苗欲疎耘欲密辛苦深忘夕陽下時
平時乎力弗荒西成願自東作償兒曹力學等稼
穡芟柞勤乃徵倉箱吾家事耕復事讀書味農功

兩相勗芒芒慎弗耨苗長看取西疇幾區綠

讀唐磨崖碑有感

代遠不見碑形勢文存猶識碑中義鴻章鉅筆侈
稱頌盡述唐家中興事開元天子真英明姚宋繼
相號治平乃自改元天寶後海棠一笑妖旋生宏
農禍水毒于蠱阿犖山俄典軍伍秦國號國車門
風驚起漁陽動鼙鼓馬嵬驛畔山嵯峨六軍不發
無奈何太子倉皇始受禪兩京克復功誰多所惜
後來致疑謗一任宮庭牝雞唱南內歸來西內遷

問寢龍樓職常曠古稱至孝首順親功不掩罪斯

為真不責其孝議其篡涪翁錢叟失則鈞黃山谷詩撫軍

監國天子事胡勿趣取大物為錢虞山比以隋廣之篡逆假使位不禪靈武合

被豬龍稱俘虜不見王孫泣路隅國事悲涼究何

補舍經行權事亦宜惜哉子職終身虧嗟子好古

逢故物持平論事非偏私聊勝建炎宋南渡迎歸

二帝終無期

浙

迷津

碧石何漸漸溪水何澄澄舟行不知處兩岸落枯

藤迷津悵日落弭棹問山僧

寄王柳邨

邗上詩壇孰與齊選樓物色緬林棲卷中甲乙分
標格天下人才入品題韶濩幾章山水志神交千
里笑言睽衡陽書信傳歸雁悵望春江落日西

宛在園

蒹葭正蒼蒼伊人水雲隔遠山幾點青秋蘆半湖
白高懷賦閒居著書忘日夕築園在中泚泛此烟
波宅溯洄不見人月下一聲笛

湖上

館

菱花開兮秋水清
漁船夜泛涼月明
閒鷗避人過
橋立滿湖烟靄如波平
移舟曳響青蘆葉
兩岸稻田水天接興
豪聊唱滄浪歌不共
褰裳野人涉

病中不寐

一枕支離甚寥寥
百感清髣毛非昔日
心事到殘更歲儉
人情薄家貧疾病輕
窗前聲浙瀝風雨暗
魂驚

過嶷山堂故居弔白門族祖

嶷山堂上管弦新歎息端非舊主人五世失傳關
氣數百年遺澤委沙塵老梅隔戶花無色古石當
階草自春曾否夜臺留恨在知音未遇淚霑巾
生前

身前懷才不遇死後遺稿散佚邑誌所載諸什又非傑作

扶風豪士歌

扶風豪士何磊落抱才不遇隱岩壑矯矯高懷似
雲鶴意氣平生重然諾盟金矢石行終身烟霞性
癖不合羣閑散自當安蹇劣下視富貴如浮雲閉
門抱膝祇長嘯門外橫湖銜夕照登樓南望澗山

青藜藹停雲憶同調胸羅萬卷知如何立身不早
嗟蹉跎友朋四海江山隔二月鶯花別恨多

初夏客中雜感

梅葉萋萋梅子熟昨日新筍今成竹清和正喜散
遊踪雷雨無端起溪谷淋浪聲過樹猶濕踏屐不
辭行獨速野望還吟馬戴詩又見微陽下喬木

寄呈秦小峴先生

先生學業一代宗致身廊廟性邱壑風流宏獎世
莫儔忘分何嘗恃高爵偶名一藝許登堂爭慕平

津啓東閣鯁生爲學未綜貫空勵山淵戒浮薄却
從束髮識公名遙望龍門生踴躍已披翰墨頌山
斗竊冀風姿瞻海鶴昔年持節來江鄉繡豸風清
威鳳卓政成戟舍多餘閒八百孤寒來趨趨愛士
惟知說士甘感涕曾聞周獲落還朝管領白雲

司待漏重聽清禁鑰人將台鼎望臯夔公自抽簪
耽引却出爲甘雨處閒雲進退分明兩無忤依然

杖履樂相羊來看棠陰健腰脚俊也私心願識韓

謬獻雕龍慚冗弱

今春曾以拙稿寄呈求表先人墓

滿幅巴音辱

教之小巫神氣徒蕭索兼慚無計申顯揚敬乞如
椽表崖畧鴻文倘荷恣揮灑不數南豐最凌遑行
將鐵筆鏤元石華表光榮長照灼蕪詞敢比陸倕
賦桃李門牆可容託天高翹首九龍山卿月騰輝
在寥廓馬羣冀北慚未空一顧長鳴仰伯樂

鷺脰湖

西風送晚涼舟過自成賞谷口雲盡歸波心月初
上遙聽柔櫓聲半雜漁人唱孤鴻一行斜遠山露
蕭爽傍船買銀魚向夕醉邨釀

潘稼堂先生故宅

遂初堂就慰平生笠澤書成少宦情
聖代鴻儒多草野布衣聲價重公卿
文章尙見淵雲格博雅能齊朱李名
風誼師門真不愧殉身史禍痛難兄

八冊

八冊水爲鄉人家依水住船載綠鳧翁
網掛斜陽樹

渡太湖

具區震蕩溟渤連七十二峯青插天
我來正值秋

漲後冥濛一氣浮坤乾傍湖苗田千萬畝青蒼遠
與湖光聯天晴氣肅波浪靜物態百變輝澄鮮半
竿落日嶺頭沒萬點浪花烟外圓回頭山脚雲乍
起凌虛直上何蜿蜒天風俄爾一鼓盪散作萬頃
波心烟船頭水氣雜腥霧盤渦定有蛟龍涎茫茫
底定懷禹蹟五湖巨浸兼百川我舟如魚亟鼓鬣
截湖一霎爭迴沿笑指鼠師打鼓去浮家泛宅長
年年

天台萬年藤杖歌爲秦小峴先生七十壽

天台山高四萬八千丈長藤倒挂青芙蓉植根想
在太古上風饗雪虐相磨礱霜皮磊砢節角露青
藜桃竹皆凡庸金庭老衲不敢取儲材合獻梁溪
公公文宏博詩典雅燕許手筆千秋宗太常書勳
碑紀績敷歷中外蘇疲癯福星往時照兩浙孤寒
八百歡春風卽今拜疏遂初服優游林下神夷冲
梅里花開叢菊秀惠山泉釀蒲桃濃我來撰杖爲
公壽白髮掩映童顏紅西神咫尺恣登覽飛步足
躡鸞鶴踪杖頭星斗莽參錯弧南光射文昌宮

梁伯鸞祠

館

高風質庶已千年葬近要離古墓邊
德曜賢真爲婦法伯通名亦賴君傳
誰將玉案陳芳醕剩有荒祠冷暮烟
遙想飛鴻在寥廓五噫歌罷一迢然

汲惠山泉烹茶歌

惠泉天下名第二一竇歧出分方圓
清光徹骨味更冽鐵花何足稱比肩
聽松庵下量筒汲竹爐瓦缶松風便
老僧指點濤落處天漿穴石浮清漣
陽羨名椀膩手滑蒙頂嫩葉春雲鮮
我生豈信有仙

骨不愛喧雜耽林泉飲餘清風生兩腋七椀何必
誇玉川花前三復孟端畫畫長虛室生雲烟

過東林書院有感

熹宗國勢寢不支星明貫索乾象垂三吳祇急鈞
黨案太阿一任中涓持東林諸老侍朝右或居台
鼎兼庶司力爭三案屢抗疏讜言不惜陳丹墀貂
璫舞文矯上旨顛倒黑白迷澠淄天關虎豹肆狂
噬赭衣園土時橫屍清流幾至一網盡甘露之變
無其悲懷宗踐阼號英斷同文黑獄開烟霏天鑒

錄與點將錄誦之不異元祐碑應山縱陽最炳耀
餘亦不乏諫諍姿茄花委鬼一彈指坐令四海興
刀鉞龜山先生論道處梁溪溪畔仍臯比我來秋
色正瀟灑烟波萬頃生淪漪嗚呼邪正不兩立追
感舊事傷心脾膺滂啣寃漢祚替後先一轍同嗟
咨人之云亡邦國瘁再拜堂廡懷風詩

自梁溪返權舟中作

九龍山下山水窟山色溪光兩清越舟行不覺載
水多坐看蓬窗一宵月

寒山訪趙凡夫故居

一路入修竹西山易夕曛松濤起岩壑木葉秋紛
紛寂歷梵宇磬山空時一聞高士昔偕隱曠代餘
清芬徘徊采秋菊遙薦雲中君

萊陽二姜先生祠

伯仲登朝勁節堅天門抗疏並堪憐寇氛更熾會
昌後世局猶如元祐年死著戎衣思報主生爲逐
客不歸田山邱祠宇魂來處兩地青燐化杜鵑

虎邱

山塘環碧波平地起孤嶺入寺始登山訪古探幽
井庭石倚老松池水湛虛影山背更平遠一抹蒼
烟凝遙巒螺點青浩渺水天永日落北風生頓覺
絳衣冷一杵撞疎鐘塵夢發深省

沈歸愚先生祠

雅材久云亡僞體炫人目朱王施宋後唐音斷不
續羣然貉一邱尤楊共范陸崛起任別裁幽人在
空谷淫哇力掃除重令正始復我生恨已晚遺文
竊私淑今來拜遺像寒泉手親掬不獨盛文章內

行見肫篤晚受特達知勇退樂岩壑九秩詩仙身
道範邁流俗舟子促解維徘徊下林麓行行復回
首雲烟迷古木

石湖

石湖曾此住七十二峯多權入紅蓮渚徐聽白紵
歌漁燈明遠浦秋雁聚寒莎恨不移家隱林泉空
薜蘿

讀書一章示子姪輩

讀書貴得旨毋僅守章句千古聖賢心恒於簡編

寓苟非發深省何以領其趣况乎愚鈍質豈可鹵
莽誤疏解一朗誦旨趣自流露朝夕時三復緣此
得津路蜂以釀成蜜蘂以釀成醅萬事盡如斯道
爾忽來悟丙夜一燈熒秋聲聲在樹

早春同人遊橫山

山寒春未動天晴淑氣煦結伴上層巔登覽多幽
趣怪石聳嶙峋雙峯重迴互嶺梅開未落林鳥啼
不住確喧澗底泉風捲林杪霧遐探共忘疲覓徑
更徐步言尋讀書臺蒼蒼日將暮長歌逢採樵前

行指歸路

題渭川寄意圖

元圃示我渭川圖知是先人舊遊處層巒疊嶂傍
碧流曲逕千株叢竹樹綠陰長夏如三秋日夕披
襟樂幽愴居然千畝在胸中瑟瑟清風得佳趣繪
工妙筆潑墨濃彷彿淋漓猶旦暮先生僻性愛簞
簞綠筠簌簌鳳尾長游踪少小涉淇澳左右萬椽
森成行此中惜少一茅屋繪圖寄意聊襄羊風流
如此信瀟灑碧玉環流坐其下掉頭倏載雲旗遊

一幘留傳愛閒雅我來題句生遐思依然海鶴驚
風姿愧無六逸溪邊句寫上林於千萬枝

雨泊


衆樹生暮烟孤帆帶寒雨弭棹沽新醅茅店傍桑
圍遙遙犬吠聲漁火點前浦




浙江圖書館



浙江圖書館



浙江圖書館



浙江圖書館

浙江圖書館

Blue Cyan Green Yellow Red Magenta White 3/Color Black



© The Tiffen Company, 2007

TIFFEN Color Control Patches


Centimetres

1 2 3 4 5 6 7 8 9 10 11 12 13 14 15 16 17 18 19
1 2 3 4 5 6 7

Inches



Q.2912
2801118



TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black